

闕訪上

孔子告子路曰君子於其所不知蓋闕如也告子張曰多聞闕疑慎言其餘則寡尤多見闕殆慎行其餘則寡悔闕之時義大矣哉及其論史則曰猶及闕文今亡矣夫豈定哀之間史皆不復闕與而孔子所修春秋若夏五郭公甲戌己丑恆星不見之屬多闕然不詳則闕文之例孔子蓋復之矣太史公承之其作史記每慨書闕有間不能悉著于篇特于秦本傳後附存他說陳承祚蜀志之末繫以季漢輔臣贊而不列之正傳亦猶闕之誼也雖然闕則闕矣而必不沒其文著之簡策其猶有待訪意邪清章學誠修和州永清縣志皆立有闕訪傳意蓋本此其言無闕訪之弊凡十辨謂一己之見折中羣說少有失中後人無由難登書有防史體削而不錄又闕情文二也傳聞必有異同勢難盡滅其跡不為敘列大凡則稗說叢言起而淆亂三也初因事實未詳暫置不錄後遂闕其事目等于入海泥牛四也載籍易散難聚不為存證崖畧則一時之書遂與篇目俱亡後人雖

合川縣志卷五十九

闕訪上

欲考求淵源無自五也一時就所見聞易為存錄後代蠅蛇補綴辭費心勞且又難以得實六也春秋有口耳之授馬班有專家之學史宗久失難以期之馬氏外孫班家女弟不存闕訪遂致心學難明七也史傳之立法皆有一定之位置斷無可綴之序如循吏儒林是也疑是于史法皆有一存闕訪之篇不得綴之旁文凡有畧而不詳疑而難決之事不存闕訪之篇不得綴之于正文之內類例不詳疑而難決之事不存闕訪之篇不得綴之孫欲表揚其祖父朋黨各以謝絕其所私苟使金石無徵傳聞難信不立闕訪以杜請謁無以謝絕其所私苟使金石無徵傳聞難言謹存其畧容後參訪則雖偏心之人無從起而爭競否則著述之地將為訟閱之場矣九也史無別識心裁便如文案孔目苟有別識心裁不以闕訪存其補採則才非素王筆削必多失也

崇論閎議貫徹古今尤為才識獨到反之則有十利斷可知已吾合叢邑舊志不為列傳所有官吏士女行事僅以官績人物兩類括之荒略簡陋半不足徵森楷既為博攷史文參訪耆舊分門別類為傳若干事倍蓰于前文亦多十七八焉大都持寧濫勿闕主義以從事也然其間猶有史文所未備耆舊所不詳者如而人儕之則寥落為嫌刪之則遺漏可惜別為闕訪藉存槩略仍躋先正用待後人庶能遠紹旁蒐拾遺補闕為我彌此憾乎作闕訪傳

張思恭不知何許人元元統三年由翰林出守合州建學造士為政簡

要卒記名宦

張乃孚合州志森楷案翰林是官署名非職名也此但舉其署而不備其職殊非史法元無牧守官名其色目人則

為達魯花赤漢人當仍為知州以宋為知州歷明清不改元在其間未宜有異而云出守亦是文飾之語未為紀實之詞又續通鑒于元統二年十一月後接書後至元元年無元統三年然考後至元之號實以元統三年主一年再三改元者不一而足因以最後一號貫徹本年至奪漢獻帝建安二十五年及延康元年之號以予魏而為黃初元年當時已覺于名不順固不如依照年月據事直書之為得也然編年之書既有此例與正史不大相觸恐啟後人疑問故特說明之

趙友能

人明洪武八年知合州值兵燹之餘民凋敝甚友能撫流亡均賦役修學宮當作官謂官廨也禮記在官不俟履是其本誼今皆昧之必改作官則駭俗矣姑仍舊作官而明其朔

立公廨郡治聿新為有明循良第一卒記名宦

張乃孚合州志

王昱字永熙安徽涇縣人性剛正不阿洪武初以選貢入太學直陳時

政忤旨遣戍將出城詔赦以為景陵縣典史森楷案景陵縣宋置屬荆州北路復州元改屬河南省沔陽府明屬湖廣省承天府沔陽州稍遷銅梁縣知縣以廉幹不

羣為當道交薦擢合州知州有惠政卒官櫬歸之日老幼悲號奔送如

喪考妣云涇縣志森楷案此但言有惠政而不詳其何等惠政當訪補

石琮

人洪武十四年任州同知時兵燹後圖籍久廢賦稅無稽琮殫心經畫悉有條理州人德之張乃孚合州志森楷案此當訪補籍貫及其仕履

辭均

人永樂三年任合州知州清慎自矢性尤聰捷剔奸除弊人服其公在任九年案無留牘秩滿當去州人以其始終如一籲請借寇為例所格不行臨發之日士民挽舟留涕者甚夥後累官至太僕寺卿卒記名宦

張乃孚合州志

譚珉湖廣歸州人宣德初知合州性情和易人樂與親而勤撫字節財

用于州人甚有益士民皆利賴之卒記名宦

張乃孚合州志

吳玘湖廣石首縣人明正統初知合州以存心仁恕施政寬平為俚嘗

勅議建修倉廩積粟若干石仿漢耿司農丞法以備荒年民懷其惠卒

記名宦

張乃孚合州志

胡應先湖廣麻城縣人正統間以舉人謁選歷知合州居官勤慎決訟

如流事無留滯人服其能後遷某官卒記名宦

張乃孚合州志森楷案此當訪補其他仕履

劉宗沛陝西蒲城人登進士第

森楷案此進士闕科年未諗是在明末抑當清初今不得其詳姑仍舊文

順治中任合州知州

森楷案東華錄四川于順治三年已為肅王收復撥隸于平西王吳三桂藩下至康熙十九年乃

再入版圖是前此州尚非清有也此所任知州未諗是肅王暫置抑吳三桂所私署皆不可知今亦不復觀

禮教政績昭著聲施爛然卒記名宦

寇宗重慶府志森楷案舊合州志四川通志皆無宗沛名而各官祠

有之又舊志別有劉廣是河南貢生王采珍慧靈宮碑記傳廣以順治十七年任公餘登瑞應山偶假寐聞空中人語曰好好好覺而聲寂竦然久之因語人曰是地神有靈得母欲興此宮以福吾民乎凡利于民者則興之此守土責也遂重修慧靈宮云云其事頗怪所修建亦無國生民計之關係今不取而

附識之于此以俟詳考

韓孝潔江蘇長洲縣人以舉人分發四川雍正九年任遂甯縣知縣有

治績乾隆元年升署合州知州後歷官龍安府遷海南道

張乃孚合州志李星根遂甯縣志

甯縣志森楷案孝潔與韓文懿同縣當非異族其歷官府道當必有治績可考而今闕矣當訪補之

胡德琳字書巢廣西臨桂縣人性聰穎能詩文袁枚客桂林時甚相知重以妹賽英字之年弱冠舉于鄉過杭州與枚修婚兄弟禮甚敦隨別去試春官不第至乾隆四年己未科登第有恭榜進士旋授四川什邡縣知縣歷轉崇慶漢州簡州知州丁外憂歸服闋仍以州縣留川補用二十一年署合州知州有望龍多山題臥佛巖諸詩見文在年滿復調漢州擢補山東東昌府知府著有碧映齋詩存八卷袁枚序而刻之略稱其走川峽再為東諸侯遷郡將登臨于泰岱琅邪之罍間凡一切大府艱巨事皆所辦治又性好交契重然諾廉俸朝入饋遺暮盡答四方箋奏日春斗麪為糊五記室掌之手腕欲脫猶不能徧此其希通慕大

合川縣志卷五九 關訪上

三

豈肯以一吟一咏賓賓然作學子終哉其所癖嗜尤在于書署中縹素山積躬自排比雖圓溷所猶手一編拳拳不釋云云則德琳固嗜學問能文章有吏幹才而信乎朋友以獲乎上者也特其在川在合事實皆

關焉無聞為可惜耳

張乃孚合州志袁枚小倉山房文集森楷附記

應士龍江西甯都州人乾隆初登進士第以知縣分四川即用十六年補南川縣知縣勅修書院講求孔廟祭器樂器士林仰之二十三年升署合州知州亦有治績年滿還任二十六年調補巴縣後不知其所終

張乃孚合州志寇宗重慶府志

羅肇遠湖南長沙縣人以貢生筮仕四川歷任州縣乾隆三十年署江

北廳同知三十五年轉署合州知州

張乃孚合州志

吳澹齡貴州畢節縣人以舉人分發四川以知縣試用二十七年補壁山縣知縣三十六年調署合州知州秩滿以牛仲麟代之仲麟山東濮州人以舉人入川三十五年補定遠縣知縣至是代澹齡知合州舊志乃謂二人履歷未詳今為攷得如此然其政績終莫能詳也

寇宗重慶府志森楷

附記

袁文煥江西崇仁縣人以貢生援例知縣發川補用三十七年授定遠縣知縣滿歲調合州知州旋以王仕代之仕去代以陳景韓景韓字月湄江蘇元和縣人以舉人知合州有文名張乃孚楊士鏞爲諸生時皆師事之後遷大理評事告歸乃孚父衡猷知新陽縣延景韓入幕尊以

上賓衡猷卒官景韓挽以新陽三載吳碑淚薤露三秋蜀客魂十四字

聯語頗侷于時王仕履歷未詳

寇宗重慶府志森楷附記

王文興

重慶府志王作趙

正黃旗漢軍生員乾隆四十一年任合州知州至四

十四年乃代以貴逢甲蓋實缺也其前後仕履則闕無可攷矣

寇宗重慶府志

吳士淳字厚庵

人不知始所以起嘉慶八年任合州知州時

值歲饑募民捐賑首自出米百石爲倡吏目萬鍾濬亦出米數十石繼之

士商陸續接濟因設男女粥廠各一日費米七十石有奇猶苦不給乃議增築州城以工代賑遂周圍一律加高七尺崇墉屹屹迄今巍然州人甚利賴之月餘工竣粥廠亦撤乃建施米坊于治城中而爲之小引曰周禮地官司徒以荒政十有二聚萬民而慈幼養老拯窮恤貧寬疾安富其保息養民又以六蓋一施于饑歲一行於平時慮周計遠誠百

合川縣志卷九 關訪上

四

世不易之經至法立於上而俗成於下漸摩之故茲爲盛矣合邑故稱沃壤計地之出供人之食雖豐儉有差以陳繼新率多餘積近以賊醜擾州東境倉困所貯匪直盜糧之齎且貽秉杆編管之熱於是稻甫登場紛紛行糶以爲完策今歲入夏以來雨未愆期禾易長畝而戶鮮贏粒市價驟昂匱乏之家日艱再食五月中紳士陳文蒼旣卜日出粒以濟而邑人將復有議續捐之請且曰稿項黃馘半於道路不更爲謀能竣秋成乎予甚躓之以米百石先州尉萬君亦捐數十石因而遠近士民羣力共將設男廠一女廠一日給米七十石有奇起於六月二日月晦日乃止米之石二千有三人之數殆萬以倍夫事固有見爲可已而其實必不可已者非有明達之識不能果於行非由公溥之心不能相與以有成今也遺秉滯穗利可及於寡婦彼田廬市廛不已相安無事熙熙而樂哉予權篆數月目覩敦龐長厚之風其於聚民養民之意幾兩得之於戲王道也實人情也不其懿歟是舉樂善不倦有可爲將來取則者故紀其大凡用彰獎厲其姓名悉一著之于坊今坊圯無存士淳姓名亦不見官師表問諸故老僅有能舉其槩略者而其人乃在存

沒間矣特据舊藝文志末所載小引之文而參訪其事以實之其籍貫仕履猶莫得而詳也

張乃字合州志寇宗重慶府志森楷附記

呂兆麒字星泉安徽旌德縣人登嘉慶七年壬戌科吳廷琛榜進士改

翰林院庶吉士散館授四川合州知縣歷知劍涪二州二十四年調

合州知州下車五日而卒張乃孚為詩挽之其首章云一見平生握手

歡詩名便說有人傳原注云公初見即言久慕詩名蓋陸古山明府為之說項也方聞論政寬兼猛

盼到飛鳧吏竟仙三厄名場偏不壽五符京兆未能還最憐燕桂枝枝

小扶襯心驚萬里船原注代象五日暴疾終于五皆幼敘交際也第二章云手把芙蓉

下玉京叱車蜀棧事紛更劍門銘石雲千疊涪水栽花琴一鳴盜絕崔

苻規尚在腹成魚疾夢先驚方持名紙殷勤問遽報頭銜載素旌述仕

履及現況也第三章云風裁嚴峻性溫和話到家園感倍多三世宦情

皆水似一官雞肋柰貧何祇今赤水騎鯨去幾日黃山伴鶴過珍重片

言作韋佩不能博奕厭聞哥陳行誼也第四章云一棺竟作王喬卧含

斂無人實可悲宰室誰攜徐孺酒誄詞權當蔡邕碑修文召促需才急

列宿光微嘆數奇莫望江南愁蜀道循聲到處繫相思誌哀悼也詩非

合川縣志卷五十九 關訪上

絕作而兆麒生平即此可見一斑特未能指數其事實耳呂為旌德大

姓當訪其宗裔補完之也問濱餘草續編森楷附記

陳中智字慧亭號愚齋塾江縣人乾隆末歲貢生嘉慶十年選授合州

訓導年已七十九矣到任年餘值其八十生日張乃孚為詩壽之有云

先生生長塾江邊少小經史相鑽研士先器識培心田常把陰騭書一

編入仕未嫌凋蒼顏司鐸合陽堂集鱸一年人坐春風間皆紀實語也

十五年初次俸滿不驗看引疾歸乃孚復為七律四章送之見問濱餘

草後以壽終于家問濱餘草

陳達經金堂縣人嘉慶初以舉人大挑一等分發山東試用知縣奏補

曹州府定陶縣知縣十八年癸酉科鄉試調充同考試官旋以才具平

常文理尚優劾改以教職用歸部銓選二十一年選授合州學正二十

五年秩滿告歸終于家金堂縣志森楷案此事略始未完具疑若無所關矣然不過一履歷耳羌無故實非有所訪補

則不能立傳也

沈廷貴安徽蕪湖縣人以拔貢朝考知縣分發四川試用道光十五年

任銅梁縣知縣以廉靜寡欲精于吏治為循嘗改建聖廟培補城垣庶政

備舉銅民大悅治績報最升署合州知州十九年莅任二十一年交卸政績未有聞或舊志略也

寇宗重慶府志森楷附記

孫家醇字飲生安徽壽州人道光末進士以知縣分發四川即用洵歷牧令所至有聲咸豐八年權知合州政尙體要不事煩苛士民頌之獨治盜甚嚴獲犯審有據則以鐵棒擊其踝至碎故當時稱之孫鐵棒云

程業修合州志森楷附記

陳在田字畚齋大竹縣人以舉人大挑二等得教職用咸豐四年選授合州學正嘗振飭申明亭實行宣講而主持名教尤力士氣爲之一伸九年卒官歲貢陳在寬于其歸葬詩以送之州人爲立主于申明亭內歲時奉祀焉今廢

程業修合州志聚星堂餘草

### 補遺

鄒儒不知何許人明成化十二年任合州知州卒祀名宦舊志官師表于儒名下注云詳宦績而其宦績乃不及儒一字今亦不可得攷姑以舊志所有過而存之

森楷自記